

HIERONYMUS.

ΕΥΣΕΒΙΟΣ.

EUSEBIUS.

NEAPOLIS, Hieronymo seu Eusebio toto hoc libro eadem est urbs, quæ *Sichem* appellata est in tribu Ephraim, quod item Hieronymus ad Cap. vi. Osce asserit, de qua plura ad vocem SICHEM. Est & alia *Neapolis*, Act. xvi. vs. 11. Macedonia civitas maritima Ptolemæo.

NEBO. Vide NABAN.

NEBSAN, urbs in tribu Juda, Jos. xv. vs. 62.

NECEB, urbs in tribu Nephtholim terminis Aquilonaribus, Jos. xix. vs. 33. alio nomine *Adami* dicta.

¹ NEELA, de hac alienigenas Zabulon non valuit expellere, est hodieque in regione Batanea vicus nomine Neila.

Νεϊλά, ἀπὸ ταύτης τοὺς ἀλλοφύλους οὐκ ἔξῃρε Ζαβουλὼν. κεῖται καὶ ἐν τῇ Βαταναίᾳ Νεϊλά.

NEILA, de hac alienigenas Zabulon non sustulit. sita est & in Batanea Neila.

² NEESIB, in tribu Juda, quæ nunc vocatur Nasib, in septimo milliaro Eleutheropoleos pergentibus Chebron.

Νεσίβ, φυλῆς Ἰούδα, ἧστὶ Νασίβ, ἀπὸ τῶν σημείων Ἐλευθεροπόλεως ἐπὶ Χεβρών.

NESIB, tribus Juda, quæ est Nasib in nono milliaro Eleutheropoleos versus Chebron.

³ NECEB, auster: apud Hebræos Nageb dicitur, quod Symmachus interpretatur meridiem. Sciendum autem quod eadem plaga apud Hebræos tribus vocabulis appellatur, Nageb, Theman, Darom, quod nos possumus Austrum, Africum, & Meridiem sive Eurum interpretari.

Ναγέβ, ὁ νότος, παρ' Ἑβραίοις. Σύμμαχος μεσημβρίαν.

NAGEB, Auster, apud Hebræos, apud Symmachum verò, Meridies.

NEHELA, unde vox patronymica Nehelamites, Hierem. xxix. vs. 24, 32. non satis liquet ubi fuerit: suspicio tamen mihi est esse illam, quam supra in *Neela* Hieronymus in regione Batanea reponit.

NEHELESCOL, quod significat torrentem, vel vallem botri, ubi exploratores à Moyse missi vitis palmitem cum uva sua absciderunt; quem deinde duo viri in veste ad Israëlitarum castra portaverunt, à quo botro nomen torrens hic vel vallis accepit: fit hujus mentio Num. xiii. vs. 25. ubi tota hæc historia refertur, & ratio nominis ipsi loco indita indicatur. Alias ferè loci hujus nomen Latinis vocibus effertur, *torrens* vel *vallis botri*, ut eodem Num. xiii. vs. 24. & Num. xxxiii. vs. 9. Deut. i. vs. 24. Fuit autem hic locus haud dubiè in tribu Juda, etsi Adrichomius in tribu Dan constituat, nullo ad eam rem allato argumento. Hieronymus in epitaphio Paulæ locum hunc constituit in via qua ex Jerusalem in Hebron itur, inter Bethsur & Hebron, atque adeò necessario in tribu Juda, quo item loco reponit Brochardus: id tamen mihi difficile videtur; siquidem quis credat tot eos milliaria confecisse cum botro è veste pendulo, & cum eodem in Hebron venisse? aut potuisse Chananæorum oculos latere? quidni potius credamus id factum esse paulò antequam desertum, quod ad Hebron meridiem est, ingrederentur? Adde quod id videatur non obscure Scriptura significare, Num. xiii. ubi de exploratoribus ab Aquilone meridiem versus redeuntibus dicitur vs. 23, 24. *Ascenderuntque ad meridiem, & venerunt in Hebron: pergentesque usque ad torrentem botri* &c. quæ verba satis indicant ab Aquilone ad Meridiem pergentibus prius *Hebronem* occurrere, quam *torrentem botri*. Nihilominus de hac re sentiat quisque ut volet.

NEHIEL, urbs in tribu Aser, Jos. xix. vs. 27.

⁴ NEMRA, civitas tribus Ruben in terra Galaad, & usque hodie vicus grandis.

Νεβρά, πόλις Ρ'β'ν ἐν τῇ Γαλααδ. καὶ νῦν ἐστὶν Ἀβάρὰ καλεσμένη κώμη μεγίστη ἐν τῇ Καταναίᾳ.

NEBRA, civitas Ruben in Galaad. estque nunc qui vocatur Abara vicus maximus in Catanæa.

⁵ NEMRIM, cujus meminit Isaias in visione contra Moab, & Hieremias. Nunc autem est vicus nomine Benamerium ad Septemtrionalem plagam Zoaræ.

Νεκρήμ, Ἡσαίας ἐν τῇ ὁράσει τῆς κατὰ Μωαβίτιδος, καὶ Ἱερεμίας. καὶ νῦν ἐστὶ κώμη Βηνναμαγῆμ, ἐκ βορείων Σοορών.

NECERIM, Isaias in visione contra Moabitidem, & Hieremias. estque nunc vicus Bennamarem à plaga septentrionali Zoaræ.

⁶ NEPHATH, civitas unius principis Salomonis.

Νεφάθ, πόλις ἀρχόντος Σολομών.

NEPHATH, civitas unius principis Salomonis.

NEPHATHDOR. Vide NEPHATH proximè, & NAPHETH.

N O T A.

1. Hæc in versione nostra Naalol appellatur, de qua & supra in NAALOTH est dictum. BONFRERIUS.

2. Hæc in versione nostra Nesib dicitur, Jos. i. v. 43. IDEM.

3. Sæpius hanc vocem Negeb vel Nageb in sua versione retinuerunt ex Hebræo Septuaginta Interpretes, ut Jos. i. v. 40. & Cap. ii. v. 16. Hierem. 33. v. 13. pro quo Interpres noster appellativè *Austrum*, *Meridiem*, *desertum* reddidit, quemadmodum & alibi sæpius Interpretes Septuaginta. Neque dubium est quin hac voce eadem sæpè Terræ Promissæ portio significetur, quæ aliàs *Darom* vel *Daroma* appellatur, cum omnes hæ voces ejusdem sint significationis IDEM.

4. Imò potius in tribu Gad, ut supra diximus in voce NARAMA. IDEM.

5. *Nemrim*, & *aquarum Nemrim* in terra Moab fit mentio, Isaiæ 15. v. 6. & Hierem. 48. v. 34. IDEM.

6. In versione nostra, ubi hujus principis Salomonis præfectura refertur, 3 Reg. 4. v. 11. *Nephathdor* appellatur, de quo rursus voce sequenti NEPHETHDOR agitur. Vide supra in voce NAPHETH. IDEM.

7. H' ἐστὶ Νασίβ] Sic rectè emendavit Bonfrerius pro inepta lectione Codicis Regii, quæ sic habet in Editione Parisina, ἐστὶν Ἀσίβ. CLERICUS.

8. Credo in Batanea, non Catanæa legendum, quamquam Batanea seu Basan non videatur se ad tribum Ruben extendisse. BONFRERIUS.